



11.10.2022

UKA2022/17  
Jens NapâtôK', Naleraq

## **Uunga siunnersuut: Nalunaaquttap aalajangersarneqarnera pillugu Inatsisartut inatsisaat.**

(Naalakkersuisut Siulittaasuata)

### **Siullermeerineq:**

Nalunaaquttap aalajangersarneqarnera pillugu Inatsisartut inatsisissaattut siunnersuut Naalakkersuisup Siulittaasuata saqqummiusnaanut Naleqqamiit imatut oqaaseqaateqassaagut.

Inatsisartut inatsisissaattut siunnersuut naatsunnguaq qaqilerneqartoq atuarlugu annikitsuarannguuvoq tassa qaqilerneqartoq ataasiinnarmik paragrafitaqarpoq taannalu paragraf 1 pingasunik immikkoortaqarpoq.

Paragrafip aappaa tassalu § 2 inatsisissamut siunnersuutip atuutilerfissaanik imaqarpoq, tassalu inatsisissatut siunnersuut atuutilissasoq ulloq 25. marts 2023, nal. 22.00 atuutilissasoq. §2 nangillugu immikkoortoq 2 inatsisissap atuutilersussap peqatigisaanik aasaanerani nalunaaquttap atornerqarnera pillugu Inatsisartut inatsisaat nr. 14 ulloq 19. oktober 1989-imeersoq atorunnaarsinneqarnissaanik imaqarluni.

Taamatut Inatsisartut inatsisissaattut siunnersuut suliassaqarfik "Nalunaaquttap aaliangersarneqarnera" Namminersornerulluik Oqartussanit 11. Maj 2022 Naalakkersuisut aamma qallunaat naalakkersuisui isumaqatigiissuteqarnerani aallaaveqarpoq. Tassa tiguisisoqarnissaanut aammalu atuutilernissaanut Naalakkersuisut nammineq aalajangiisinnaanngillat aatsaat Inatsisartuni amerlanerussuteqartuni akuerineqareerluni suliarneqareerpat atuutilernissaanut Naalakkersuisut toqqammavissaqalersinnaammata, tassa naatsumik oqaatigalugu tigusinissamut suliap matuma Inatsisartuni akuerineqarnissaa piumasaqaataavoq.

Inatsisissatut siunnersuut atuutilerpat nalunaaqutaq maannakkut UTC -3-imiittoq inatsimmilu siunnersuummi siunnersuutgineqarluni nalunaaquttamut malitassaq malillugu UTC malillugu nalunaaquttamut nalinginnaasumut nalunaaquttap ingerlaqatigiiffia UTC -2 malinneqalissasoq



# Naleraq

inatsisitigut. Naatsumik oqaatigalugu nalunaaqutaq tiimimik ataatsimik siuartisimalissaaq, tamatumalu malitsigisaanik Naalakkersuisut oqarnerattuut Kalaallit Nunaata aamma Europap akornanni nalunaaquttap nikingassutaa nalunaaquttap akunneranik ataatsimik sivikinnerulissalluni inissimalissaaq.

Naleqqamiit nalunaaquttap nunatsinni naleqqussarnissaa pillugu nalilersuinitanni pngaartutut isigaarput nunarput aallaavigalugu taakkulu inuisa avatangiiserisaat aallaavigalugu nalilersuilluassasugut.

Uani Kalaallit Nunaanni taallugu Qallunaat Nunaannut nalunaaquttap akunnermik ataatsimik sivikinnerulernissaanik oqariartuut nunatsinni sumiiffiit ilaannut atuutinngilaq, tassami nunatsinni isorartoqisumi sumiiffikkaartuni arlaqartuni nalunaaquttap ingerlanera nikingatiterpoq, ilaatigut uani toqqammavilersuutigineqartutuut Nuummi kitaanilu nalunaaqutaq UTC-3-miit tassalu Qallunaat nunaanniit 4 time kingulliuvooq, Piffummi kaperlattartuni aammalu aasakkut ulloq unnuarlu seqinnersartumi Nalunaaqutaq kitaaniit en time kingulliuvooq kitaanut naleqqiullugu, taamatullu Ittoqqortoormiit Kitaaniit siuarsimaneruvoq nalunaaqutaq akunnerit marluk siulliullutik. Tunup avannaarsuarni sulii qallunaatut taaguuteqartumi Danmarkshavn-imi Nuummi kitaanilu nalunaaquttap akunneri marlunnik nikingavoq Danmarkshavn-imi nalunaaqutaq siulliulluni.

Naalakkersuisut siulittaasuat qinersivimmi uani upernaamut qinersivik qiteqquttussanngortumi maannamut piffissaq annertoq ingerlareersoq Naalakkersuisut siulittaasuat Qallunaat Nunaannut angalalluni utikajaarnerparujussuanngortut ingerlanneqartuut angusaminnguit ilaattut Qallunaat nalunaaqutaata ingerlaneranut qanillattornissamut siunnersuut imaqartoq Naleqqamiit maluginiarparput.

Amerika suleqatiginerunissaa taakkartortaqsarput aammalu nunat kititsinniittut qaninnerusagut suleqatigineruligassatut niuernikkut allatigullu isigisagut uani siunnersuummi taakku nalunaaqutaat ungasinnerulissagipput siunnersuutaavoq.

Nalunaaquttap nunarsuarmi inissittarnera aallaavigalugu inissikkutsigu tassalu nalunaaqutaq ullup qeqqarnerani seqernup qullarnerpaalluni kujasinnerpaamut inissiffia atorlugu taava nunarput nalunaaqutaq assigiinngissutaat pingasuussagalarput.



# Naleraq

Tunu nalunaaqutaa UTC -2 atusssagaluarpaa taamatullu kitaani UTC -3 inissiffigissaluarlugu Qaanaaq UTC-4-miittussagaluarpoo, tassa nunarput taama isorartutigigaluarpoo.

Nunatsinni nalunaaqutap inissittarnera inunnut sunniuteqartorujussuusarpoq aammalu pingaaruteqartorujussuuvoq.

Ittoqqortoormit akunnerit marluk siulliunerat assigiinngitsorpasuartigut ulluinnarni sulinermi sunniutigisartagai pequtigalugit eqqartorneqartarsimaqaaq aammalumi 1950-ikkut ingerlaneranni kitaata nalunaaqutaa malillugu aaqqeeriartoqarsimagaluartoq ilisimavarput, tasanilu nalunaaquttap akunnernik marlunnik kinguartinera taamanikkut piniartorpassuaqarluni piniartoqarfiusimasumut sunniutaata ilagisimavaat upernaakkut qaammariartulernerani qaammalersumi piniartut piniariarlutik aallartartit ullaassakkut sulit taartumi aallartik unnuami ataatsip marlup missaani piniariarlutik aallartalersimagaluarmata, nalunaaqutaq malinnagu qaamaneq malillugu piniartuugamik, taamatullu upernaakkut qaammariartoqqaalernerani ukiakkullu taarsiarsaartalernerani sulisut ulloq qeqqartarsimapput taarsereersoq, tamannalu tarnikkut assigiinngitsutigullu sunniuteqarpallaaqimmat qimaqqinneqarsimasooq nalunaaqutarlu 2 tiimit inissimaffigineqaqqilerluni.

Nalunaaquttap inissisimanera allanngortinniarlugu eqqartuisarsimanerit amerlasimapput ilaatigut kommunalbestyrelse-mi siunnersuutigineqartarluni ingerlanenqartarsimagaluarpooq Ittoqqortoormiit nammineq kommuniugallarmat, taamatullu aamma Naalakkersuisuusartunut anngunneqartarsimagaluarpooq Naalakkersuisuusartunut kitaatani nalunaaquttani 1 time siuartillugu nikisissinnaappagu Ittoqqortoormiini 1 time kinguartinneqarluni taava nalunaaquttap ingerlannga nunatsinni assigiinnerulernissaa anguneqarsinnaagaluarpat, akissutaasimasorlu tassaavoq soooq aamma Ittoqqortoormiut piinnarlugit nalunaaqutarput allanngortissavarput, maannakkulli tamanna pinialerunarpooq tassa Qallunaat Nunaat qanillattorlugu maannakkut nalunaaqutaq aappaagumiit 1 time siuarsimalernissaa siunnerfiuvoq, tamannalu qangaaniilli Ittoqqortoormiinit siunnersuutigineqartoq aallaavigalugu maannakkut qanoq isumaqarnersut qulaajartariaqassaaq. Nalunaaqutaq inunnut sunniuteqartaqimmat Naleqqamiit kaammattuutigarsupparput Ittoqqortoormiit innuttai qanimut suleqatigalugit aaqqiiniartoqassasoq.

Aasaanerani ukiakkullu nalunaaquttap akunnernik ataatsimik nikisinneqartarnera inunnut sunniuteqartaqisooq uani siunnersuummi ugornaraluartumik ilanngunniarneqanngimmat Naleqqamiit



# Naleraq

uggorisorujussuarput, isumaqaratta inuiaqatigiinnut annertuumik sunniueqartartoq ilaatigut Island-imi atugaanngitsoq nunatsinni atoqqiinnarniarneqarmat assut Naleqqamiit uggorigatigu EU-mi aasaanerani ukiakkullu nikisittarnerat aatsaat atorunnaarsippassuk aatsaat Kalaallit Nunatsinni aatsaat atorunnaarsinneqassasoq, Naalakkersuisut suli isumaqarlutik oqariartormata uffa massa uagut Kalaallit Nunarput EU-mut ilaasortaangitsoq, tamatuma takuteqqiinnarpaa sutigut tamatigut Qal-lunaat Nunaata EU-mut ilaasortaanermigut qanoq pituttorsimatigigaatigut, tamannalu Naleqqamiit uggoreqaarput, ilami nalunaaqutap upernaakkut ukiakkullu nikisinneqartarnerat ilanngullugu nalilersortariaqarluinnaraluaratigu inuit ilaannut annertuumik sunniuteqartarmat.

Meeqaat atuarfinni malugisaqaat akunnermik ataatsimik upernaakkut ukiakkullu nikisititsisarnerput, taamaammallu tamanna pillugu nalilersuinissarput aalajangiinissarpullu pisiariaqavissortutut isigigaluaratigu.

Taamatut Naleqqamiit oqaaseqaateqarluta siunnersuut saqqummiunneqartoq atatsimiitaliami sukumiisumik nalilersorneqarnissaa kaammattuutigaarput.